


1 2 3 4 5 6 7 8 9 40 1 2 3 4 5 6 7 8 9 50 1 2 3 4 5 6 7 8 9 60



口12
號 2908
卷 28

禮書卷第二百十九

宋 陳祥道用之 編

明 張溥西銘 閱

去五味均平藏

盛 順順伯 參

鍾虞

磬虞

詩曰虞業維縱貢鼓維鏞又曰設業設虞崇牙樹羽
明堂位曰夏后氏之龍箕簾簾子曰大禹爲銘於筭
我以義者擊鐘教以事者振鐸教以憂者擊磬教以
獄者揮韁其言雖不經見然禹之時故有筭簾矣

商之崇牙周之璧翫周官典庸器祭祀帥其屬而設

筍簾大喪麻筍簾考工記曰梓人爲筍簾。羸者羽者鱗者以爲虞。厚脣弇口出自短耳大胸耀後大體短脰若是者謂之羸屬常有力而不能走其聲大而宏有力而不能走則於任重宜大聲而宏則於鍾宜若是者以爲鐘虞是故擊其所縣而由其虞鳴銳喙决吻數目顧脰小體騫腹若是者謂之羽屬常無力而輕其聲清揚而遠聞無力而輕則於任輕宜其聲清揚而遠聞則於磬宜若是者以爲磬虞故擊其所縣而由其虞鳴小首而長搏身而鴻若是者謂之鱗屬以爲筍爾雅曰木謂之虞矣。版謂之業傳曰秦始皇

建千石之鍾立萬石之虞其高三丈

植者爲虞橫者爲筍筍之上有崇牙

鄭氏曰龍上牙以掛縣紜

虞之上設業

孫紜曰刻之捷業如鋸齒然

業之上樹羽

而有端有璧翼

鄭氏曰畫繕爲翼戴以璧舊圖爲龍首及鶴啞璧

鍾虞飾

以羸屬磬虞飾以羽屬而筍皆飾以鱗屬飾以鱗屬若筍文然故謂之筍其所植者蓋虛中焉故謂之虞先儒曰筍峻也虞舉也又曰虞神獸也鹿首

蛇身此不可考詩曰虞業維棟棟之爲木松葉栢身身葉皆直則虞業者皆以直木爲之也漢武帝時樂虞銅人生毛董卓壞銅人銅虞以充鑄則漢

時以銅爲之與古異矣漢魏相沿虞爲龍頭及鶴銜璧璧下有旄牛尾隋采周官漢魏之制筭虞並金博山皆飾以崇牙樹羽旅蘇其樂器天地之神示宗廟及殿庭則五采漆畫唐五郊樂縣各從其方色蓋一時之所尚然也筭或作纂虞或作鑄莊周曰梓慶削木爲鑄蓋古字通用

大鍾

鍾之制旁有兩樂正有兩面而面皆有帶間有枚則鍾體固不圓而衡角之間無帶矣賈公彥曰鍾如鈴而不圓是也

鄭氏曰帶介於衡角之間誤也

明堂位曰垂之和鍾世本曰垂作鍾傳曰伏犧之孫曰伯陵伯陵生鼓延鼓始爲鍾又曰黃帝命伶倫與

營援作十二鍾考工記六分其金而錫居一謂之鍾鼎之齊鳩氏爲鍾兩樂謂之鉞鉞鍾曰兩角銚間謂之于于上謂之鼓鼓上謂之鉦鉦上謂之舞四者鍾體也于鐘唇之上所擊處舞上謂之甬甬上謂之衡二者鍾柄也鍾鑄謂之旋旋蟲謂之幹旋以蟲爲飾鍾帶謂之篆篆間謂之枚枚謂之景帶所以介其名也在于鼓鉦舞甬衡之乳也漢時鍾乳與舞處有九面二十六舉漢一帶有九古法亦當然也兩面皆三十六也于上之攤謂之隧攤所擊之處也十分其銚去二以爲鉦以其鉦謂之銚間去二分以爲鼓間以其鼓間爲之舞修去二分以爲舞廣橫爲修從爲廣以其鉦之長爲之甬長以其甬

長爲之圍三分其圍去一以爲衡圍衡又小於甬大鍾十分其鼓間以其一爲之厚爲遂六分其厚以其一爲之深而圜之典同掌六律六同之和以辨天地四方陰陽之聲以爲樂器凡聲高聲硯正聲緩下聲肆陂聲散險聲斂達聲羸微聲鎗回聲衍侈聲筭弇聲鬱薄聲甄厚聲石凡爲樂器以十有二律爲之數度以十有二聲爲之齊量凡和樂亦如之樂記曰鍾聲鏗鏗以立號號以動衆國語曰景王將鑄無射爲之大林單穆公曰先王之制鍾也大不出鈞重不過石律度量衡於是乎生小大器用於是乎出伶州鳩曰樂

器重者從細輕者從大是以金尚羽石尚角文曰律所以立均出度也古之神瞽考中聲而量之以制度律均鍾百官軌儀立百事之道法又曰細鈞有鍾無鑄昭其大也大鈞有鑄無鍾甚大無鑄鳴其細也左傳伶州鳩曰鍾音之器也小者不窕刀大者不櫛戶則和於物今鍾櫛矣爾雅曰大鍾謂之鑄其中謂之剽小者謂之棧書曰笙鑄以問詩曰貢鼓維鑄鑄鼓有斲晉時剡縣民於田中得一鍾長三十口徑四十銘曰棧蓋唐時岑陽耕者得古鍾高尺餘楊牧扣之曰此姑洗角也旣剗拭有刻在兩巒果然孟子曰禹之聲尚

文王之聲古者庭實龜爲前列鍾次之以和居參之也大饗入門而金作示情也有功伐者亦刻銘焉晉充潞之役魏顆以身却秦于輔氏親止杜回其勲銘於景鍾文魯季武子以所得於齊之兵作林鍾而銘魯功

典同凡爲樂器以十有二律爲之度數單穆公曰先王之制鍾也大不出鈞重不過石律度量衡於是平生則樂器待律然後制而律度又待鍾然後生故有十二辰之鍾以應十二月之律十二月之鍾大鍾也大鍾特縣詩書爾雅所謂鏞是也非十

二辰之鍾則編焉周禮所謂編鍾是也鍾體之別五銚于鼓鉦舞是也鍾磬之別二甬衡是也衡上有旋旋飾有蟲介於于鼓鉦舞之間有帶布於帶間有枚先儒曰銚金之澤者又曰銚小鑒也鍾樂亦謂之銚以其類鑒然也乎則銚間之曲祐者也鼓則于上之待抑者也鉦則鼓舞之正中者也舞則聲之震動於此者也甬出舞上者也衡橫甬上者也帶類篆故謂之篆乳有數故謂之枚然鍾之長短徑圍經無明證其言十分其銚去二以爲鉦以其鉦爲之銚間者鉦體之徑居銚間之八也去

鉦二分以爲之鼓間者鼓間之徑居銚間之六也以其鼓間爲之舞修修舞之徑也舞徑亦居銚間之四也舞長四而徑間亦四舞鼓徑六而長亦六鄭氏以爲此鍾口十其長十六也凡樂器以十有二律爲之度數若黃鍾之律九寸十六之而銚取其十以爲度則銚徑五寸有奇鉦鼓舞之所居者遞去二分則舞脩三十有奇舞廣二十有奇林鍾之律六寸十六之而銚取其十以爲度則銚徑三寸有奇鉦鼓舞之居者遞去三分則舞二寸有奇舞廣一寸有奇餘律之鍾亦然賈公彥曰律各倍

半以爲鍾舉一端也大鍾十分其鼓間以其一爲之厚小鍾十分其鼓間以其一爲之厚小鍾十分其鉦間以其一爲之厚蓋鉦體居銚之六與鼓間同鉦間又殺矣與鼓間異此所以各十分之以爲厚薄鄭氏曰鼓鉦之間同方六而今宜異又十分之一猶太厚皆非也若言鼓外鉦外則近之鼓外二鉦外一以謂鼓外二間鉦外一間而十分之以其一爲厚薄其說誤矣鳬氏曰以其鉦之長爲之甬以其甬長爲之圍三分其圍去一以爲衡圍三分其甬長二在上一在下以設其旋鄭司農曰旗

蟲者旋以蟲爲飾又曰旋有蹲熊盤龍辟邪賈公彥曰鄭以漢法鍾旋之上以銅篆作蹲熊及盤龍辟邪亦獸名

撞木

鐸鳴自內鍾鳴自外先儒以謂撞鍾磬必以濡木以其兩堅不能相和也或曰海中有巨魚曰鯨巨獸曰蒲牢蒲牢畏鯨擊鯨則蒲牢大鳴後世繇是作蒲牢於鍾上而狀鯨魚以撞之欲其大鳴張衡東京賦曰發鯨魚鏗革鍾是也然經無明證其制不可以考文選日撞之以筵豈能廢其聲韓退之日有如寸筵撞巨鍾

卷一百十九

禮書卷第一百二十

宋 陳祥道用之 編

明 張溥西銘 閱

盛 順順伯 參

大磬

後長二律尺八寸博九寸厚二寸弦者兩頭相望者也兩弦之間三尺三寸七分半寸博六厚三寸

先儒曰磬立秋之音禹貢泗濱浮磬蓋以土少而水多故其聲和潤也秦刻嶧山以頌曰刻此樂石顏師古曰嶧山近泗水秦取泗濱石銘之故曰樂石山海經云小華之山其陰多磬石又曰鳥危之山其陽多磬唐人多用華元石爲磬

爾雅曰大磬謂之磬

郭璞曰形似犁館以玉石爲之明堂位曰叔

之離磬蓋編則雜雜則特。叔之離磬。特縣之磬也。
大戴禮曰縣一磬而堂特。則堂上亦有特縣磬矣。
世本曰無句作磬垂作鍾書曰垂之竹矢。蓋叔與
無句非二人。垂之爲工非一技。皇氏謂無句叔之
別名其說或然考工記磬氏爲磬倨句一矩有半。
鄭氏曰必先度一矩爲句。一矩爲股。而求其弦。既而以一矩有半觸其弦。則磬之倨句也。磬之制有大小。此假矩以定倨句。非用其度耳。正義曰假令句股各一。今以一尺五十觸兩弦。其句股之形。卽磬之句折殺也。其博爲一股爲二鼓爲三。三分其股。博去一以爲鼓。博三分其鼓。博以其一爲之厚。蓋鍾圓中規磬方中矩。則倨句一矩有半。觸其弦也。其博

爲一股。疑一律也。股爲二。後長二律也。鼓爲三。前長三律也。此樂經云。股非所擊也。短而博鼓。其所擊也。長而狹。鄭司農云。股磬之上大者鼓其下小者康成。云股外面鼓。內面則擊者爲前而在內不擊者爲後而在外。內者在下。外者在上。其小大長短雖殊。而其厚均也。黃鍾之磬。股鼓皆厚二寸。則餘推此可知矣。

編磬

周禮鍾師掌金奏。珉簴掌擊頌磬。笙磬賓射奏其

鍾鼓磬師掌教擊磬擊編鍾。鄭氏曰：教眠瞭也。磬亦編於鍾言之者鍾有不編不編者鐘師擊之然則所謂不編者十二辰零鍾也。豈惟十二零鍾哉。堂上一磬一鍾蓋亦不編。國語曰：蘧蒢蒙璆先儒曰璆玉磬也。古人之磬亦有不縣而蒙戴者。此不可考。

鑄

周禮鑄師掌金奏之鼓。國語伶州鳩曰：細鈞有鍾無鑄。昭其大也。大鈞有鑄無鍾甚大無鑄。鳴其細也。蓋細鈞角徵也。大鈞宮商也。細必和之以大。故

有鍾無鑄。大必和之以細。故有鑄無鍾。則鑄小鍾耳。韋昭釋國語。杜預釋左傳皆以鑄爲小鍾。晉語曰：鄭伯嘉納女樂及寶鑄。左氏曰：鄭伯嘉納魯之寶鍾。又曰：鄭人貽晉侯歌鍾二肆。及其鑄磬。杜氏謂鑄也。小鍾特康成曰：鑄如鍾而大。孫炎許慎沈約之徒亦以爲大鑄。然爾雅大鍾謂之鏞。不謂之鑄。又儀禮鑄從薄與鉸鑄之鑄同。則鑄爲小鍾之說於理或然。

鎧

梓人曰：外骨內骨郤行仄行連行糾行以脰鳴者以注鳴者以旁鳴者以翼鳴者以股鳴者以胸鳴者謂之小虫之屬。以爲雕琢。鄭氏曰：刻畫祭器博庶物也。考之舊圖及今圖凡宗廟之器必狀虫魚鳥獸之形。蓋其所傳者尚矣。不然非所謂博物也。今擇其可取者存。

周禮小師掌六樂之聲節與其和鄭氏曰和即鐸子也鼓人掌教六鼓四金之音聲以節聲樂以和軍旅以正田役以金鐸和鼓以金鐸節鼓以金鐸止鼓以金鐸通鼓蓋鐸聲淳鑩聲濁鐸聲高鐸聲明聲淳則有所合故於鼓倡而和之聲濁則有所制故於鼓行而節之聲高則有所辨故於鼓退而止之聲明則鉦也丁寧也皆鐸之異名鄭成康曰鐸如小鍾軍行鳴之以爲鼓節

鐸

則有所交故於鼓作而通之考之於禮大司馬中春教振旅主及諸侯軍將帥帥皆執鼓卒長執鐸兩司馬執鐸八司馬執鐸中冬教大閱鼓人三鼓司馬振鐸車徒皆作鼓行鳴鐸車徒皆行三鼓撝鐸車徒皆坐又三鼓振鐸及止如初乃鼓車馳徒走徒三戒車三發徒三刺乃鼓退鳴鐸且郤遂以狩田是鐸之於鼓所以通之於其中及其退也去鐸而鳴鐸鐸之於兵雖無經見國語曰戰以鐸于丁寧儆其民也又黃池之會吳王親鳴鍾鼓丁寧鐸于振鐸則兵法固用鐸矣春秋傳曰有鍾鼓因

伐則古之用兵蓋亦有鍾矣。鄭康成曰：鑄圜如碓頭上大下小，樂作鳴之與鼓相應。漢大子樂有之。
杜祐曰：鑄于古禮器也。宋時廣漢什邡人段祖以鑄于獻始興王鑑其制高三尺六寸，圍二尺四寸，圜如筭也。色黑甚，薄上有洞，馬以通系焉。下有尺餘灌之以水，又以器盛水于下，以芒當心跪注鑄于以手震芒，則其聲如雷。後周平蜀得之，解斯徵觀曰：鑄于也。唐李仲樂圖縣以龍格今太常作伏虎於其土。若武舞入則兩工對舉，一人隨擊之。其縣以虞則設于熊羆。按十二枚鳴以和鼓。

鐸

鼓人以金鐸節鼓司馬職公司馬執鐸軍行鳴鐸詩曰：鉦人伐鼓國語曰鼓丁寧春秋傳曰射汰朝而著於丁寧說文曰鐸鉦也。韋昭曰：丁寧鉦也然

鄭康成曰：鐸如鈴無舌有秉執而鳴之以止鼓。說文曰：鉦鐸也。鉦小鉦也似鈴柄中上下通樂記曰始奏以文則登歌清廟之類也。復亂以武則下管象之類也。鄭氏以文爲鼓武爲鐸豈其然乎？

金鐸

鼓人以金鐸通鼓司馬職曰兩司馬執鐸又曰三鼓掩鐸三鼓振鐸司馬法曰鼓聲不過閭鼙聲不過閭鐸聲不過琅。鄭康成許慎皆曰鐸大鈴也。蓋鐸有金鐸有木鐸。金鐸舌以金木鐸舌以木金鐸

振武事。若司馬之振鐸。撦鐸。捨上振之謂之撦。黃池之會。官師振鐸是也。木鐸振文事。若書禮所言徇以木鐸是也。小宰徇以木鐸。鄉師以木鐸徇于市朝。謂謂之木鐸徇于市朝。樂記曰天子夾振之。鄭氏謂王與大將夾舞者振鐸以爲節。鐸雖用之於樂。然非王與大將振之也。晉荀氏得趙人牛鐸。然後能諧樂。則古人之爲鐸。鍔。鎛。鎧。施於聲律。皆有當也。今大樂有二種。鐸以道武舞木爲柄者。謂之單頭鐸。金爲柄而兩鐸相屬者。謂之雙頭鐸。非古也。

禮書卷第一百二十

終

禮書卷第一百二十一

宋 陳祥道用之 編

明 張溥西銘 閱
盛順順伯叅

鼓制

鼓人掌教六鼓四金之音聲。以節聲樂以和軍旅。以正田役。音聲五聲。合和者。雷鼓八面鼓也。神祀。路鼓鼓鬼享。鼓鼓鬼享。鼓鼓鼓軍事。鼓鼓長八尺。鼓鼓鼓役事。鼓鼓鼓金奏。鼓鼓鼓金奏。謂樂作。教爲鼓而辨其聲用。以雷鼓鼓神祀。路鼓鼓鬼享。以鼓鼓鼓軍事。鼓鼓長八尺。鼓鼓鼓役事。鼓鼓鼓金奏。鼓鼓鼓金奏。謂樂作。

擊編以金鍔和鼓。鍔，鍔于也。圓如雞頭，大上，鐘也。下樂作鳴之，與鼓相和。以金鑪節鼓。鑪，鉦也。形如小鍔，軍行鳴之，以止。擊鼓。鼓，鉦也。形如節，司馬職曰：軍行鳴鉦。以金鐃止鼓。鐃，鈸也。無舌有秉，執而鳴之，以止。鼓，司馬職曰：鳴鉦且郤。司馬振鐸曰：凡祭祀百物之神，鼓兵舞幡，舞者千戚也。幡，列五采繒爲之。凡軍旅夜鼓鼙。鼙，夜戒，夜半三通爲四通，爲大鼙。夜戒，守鼓也。晨戒，旦明五通爲發胸。軍動則鼓其衆，田役亦如有秉，皆舞者听執。凡軍旅夜鼓鼙。鼙，夜戒，夜半三通爲四通，爲大鼙。夜戒，守鼓也。春秋傳曰：非日月之精，不鼓。救日月則詔王鼓。救日月食，王必擊鼓者，聲大異。司馬法曰：昏鼓，大喪則詔大僕鼓。大司樂鼉鼓，鼉，冬日至於地上之圜丘奏之。若樂六變，則天神皆降，可得而禮矣。靈鼓靈鼗，夏日至於澤上之方丘奏之。若樂八變，則地

示皆出，可得而禮矣。路鼓，路鼗於宗廟之中奏之。若樂九變，則人鬼可得而禮矣。主大食三宥，皆令奏鍾鼓。樂師凡國之小事，用樂者令奏鍾鼓，饗食諸侯序其樂事，令奏鍾鼓。令，相如祭之儀。燕射，樂出入令奏鍾鼓。大師下管，播樂器，令奏鼓鼙。鼙，小鼓也。先擊小鼓，謂鼓鼙，猶言擊揚。詩云：應鼙縣鼓。大饗亦如之。鼓，先引，故曰鼙。鼙，讀爲道引之。大鼓，小鼓爲大鼓。掌教鼓鼙。出音曰鼓鼙，如鼓而小，持下管擊應鼓。應鼙也。應與鼙及鼙皆小鼓也。其所用未聞。凡小祭祀，小樂事，播鼗鼓賓射，皆奏其鍾鼓。鍾師掌播鼗，瞭。凡樂事，播鼗鼓賓射，皆奏其鍾鼓。鍾師凡樂事，以鍾鼓奏九夏。鉞師凡軍之夜，三鼙皆鼓之。

守鑿亦如之。籥章掌土鼓幽籥。杜子春云：土鼓以瓦擊也。

爲匡以革爲兩面可

中春晝擊土鼓。幽詩以逆暑。中秋夜迎寒亦如

之。凡國祈年于田祖。幽雅擊土鼓。以樂田畯。國祭蜡則歛幽頌。擊土鼓。以息老物。大司馬中春教振旅

辨鼓鐸。鐸鐸之用王執路鼓。諸侯執貢鼓。軍將執晉

鼓。師帥執提旅帥執鼙。提謂馬上鼓。有曲木提持鼓立馬髦上。故謂之提。

考

工記。韁人爲臯陶。鄭司農云：臯陶鼓木也。

玄謂鞠則陶字從鞠。

六十。左右端廣六寸。中尺厚三十。版中廣頭狹爲穹隆也。

鄭司農云：謂

鼓木節別者。其兩端廣六寸而爲志無空節之空。謂鼓木腹穹隆者居鼓三之一也。

玄謂穹讀如穹蒼之穹。穹隆者居鼓面三分之一。則

穹者三之一。鄭司農云：謂兩頭一平。中央

此鼓合二十版。上三正。一平也。玄謂三讀當爲參正

直也。參直者穹上一直兩端又直各居二尺二寸。不

弧曲也。此鼓兩面以六鼓差之。賈侍中云：晉鼓大而

短近晉鼓也。以鼓長八尺。鼓四尺。中圍加三之一。謂

晋鼓鼓金奏。晋鼓面四尺。其圍十二尺。加以三分之一。也

十六尺。徑五尺三寸三分寸之一也。今亦合二十版。

則版穹六寸三分寸之二耳。大鼓謂之鼓。以鼓鼓鼓

軍事。鄭司農云：鼓四尺也。爲臯鼓。長尋有四尺。鼓四尺

謂革所蒙者廣四尺也。爲臯鼓。長尋有四尺。鼓四尺

謂革所蒙者廣四尺也。爲臯鼓。長尋有四尺。鼓四尺

之鼓。中圍加三之一者。加於面之圍。以三分之一也。

以臯鼓鼓役事磬折。中曲之不參正也。中圍與鼓鼓同。以磬折爲異。凡冒鼓

必以啓蟄之日。啓蟄孟春之中也。蟄蟲始聞雷聲良

而動。鼓所以取象也。冒蒙鼓以革。

鼓瑕如積環。革調急也。鼓大而短。則其聲疾而短。聞鼓小

而長則其聲舒而遠聞大僕建路鼓于大寢之門外而掌其政禮記王制天子賜諸侯之樂則以柷將之賜伯子男則以鼗將之月令仲夏之月命樂師修鞞鞞鼓禮運夫禮之初蕡桴而土鼓禮器曰廟堂之下縣鼓在西應鼓在東學記鼓無當於五聲五聲弗得弗和樂記會守拊鼓鼓鼙之聲謹謹以立動動以進衆君子聽鼓鼙之聲則思將帥之臣然後聖人作爲鼙鼓控揭壎箋此六者德音之音也大射建鼓在阼階西南鼓應鼙在其東南鼓西階之西頌磬東面其南鍾鑄一建鼓在其南東鼓朔鼙在其北一建在西

階之東南面簴在建鼓之間爾雅釋樂曰大鼓謂之鼓小鼓謂之應大鼗謂之麻少鼗謂之料徒擊鼓謂之罿詩曰擊鼓其镗坎其擊鼓鼈鼓逢逢文曰應田縣鼓鼗鼓淵淵置我鼈鼓風俗通曰鼓者郭也春分之音萬物皆鼓甲而出故謂之鼓易通卦驗曰冬至鼓用馬革圓徑八尺一寸夏至鼓用牛皮圓徑五尺一寸鄭氏曰馬坎類也荀卿曰鼓象地堯有敢諫鼓禹以五聲聽治曰教寡人以道者擊鼓左氏曰分唐叔以密須之鼓上林賦建靈鼈之鼓

土鼓

費桴

禮記曰夫禮之初始諸飲食。費桴土鼓猶若可以致其敬於鬼神。又曰土鼓費桴章籥伊耆氏之樂。世本曰夷作鼓。周禮籥章春秋擊土鼓吹幽詩以逆暑迎寒祈年吹幽雅擊土鼓以樂田畯祭蜡吹幽頌擊土鼓以息老物蓋樂之作本於籥始於土鼓而周家王業之興本於籥逆暑迎寒祈年皆本始民事蜡息老物則息使復本反始而已故所擊者土鼓所吹者幽籥也禮記曰伊耆氏始爲蜡周禮伊耆氏掌共王之杖咸以老者待杖然後安猶老物待

蜡然後息也伊耆氏以有功於耆老著矣故後世以其官爲姓周人以其姓名官先儒爲其始制籥籥又始爲蜡於是以爲古王者之號然古之制法者隸首造曆大撓作甲子倉頡造書之類豈皆古王者哉果伊耆氏實古王者之號周人固應尊異而神之不宜列於銜枚氏壺涿氏而以下士之官名之也土鼓築土爲之也杜子春曰土鼓以瓦爲臯陶以革爲面然禮運土鼓起於未合土之前與壺涿氏炮土之鼓異矣禮運明堂位皆言費桴費或作蒯蓋結草以爲桴也鄭氏改費蒯爲由其說

非也。鄭氏釋籥章舉明堂位曰崩梓白虎通曰鼓震音也風俗通曰鼓春分之音唐樂志曰鼓者冬至之音當從唐樂志爲正。韋昭曰正北曰坎爲革

足鼓

鼓其聲象雷其大象天其於樂象君故凡鼓瑟鼓琴鼓鍾鼓簧鼓金皆謂之鼓以五音非鼓不節也明堂位曰夏后氏之鼓足鄭康成曰足謂四足考之於禮夏后氏尚黑商尚白周尚赤則三代鼓色可知矣春秋之時楚伯棼射王鼓跗然則兵車之鼓亦有足歟

楹鼓

商頌曰置我鞶鼓明堂位曰商之楹鼓禮公執相圭諸侯之葬有相楹鄭氏釋周禮曰雙植謂之相釋禮記曰四植謂之相則相楹四稜圭之所顯者雙稜而已楹鼓蓋爲一楹而四稜焉貫鼓於其端周禮大僕建路鼓于大寢之門外儀禮大射建鼓在阼階西南鼓則其所建楹也莊子曰負建鼓以亡求亡子建鼓可負則以楹貫之可知魏晉以後復商制而樹之謂之建鼓隋制又棲翔鷺於其上或曰鷺也取其聲遠聞也或曰鷺鼓精也越王勾踐建大路於康宮之端門有雙鷺啄之而去此其象也或曰詩云振振鷺鷺于飛鼓咽咽醉言歸後世悲周之

衰故飾鼓以鷺欲其風流存焉國朝公唐制其高六尺六寸中植以柱設重斗方蓋蒙以朱網張以絳紫繡羅四角六龍竿皆銜流蘇璧璜五采羽爲飾于首亦爲翔鷺傍又扶二小鼓左曰鞞右曰應然詩言應田縣鼓則周制王之應田在縣故之側不在建鼓傍矣

禮書卷第一百二十二 終

禮書卷第一百二十二

宋 陳祥道用之 編

明 張溥西銘 閱
盛順順伯 參

晉鼓

考工記韓人爲臯陶長六尺有六寸左右端廣六寸中尺厚三寸穹者三之一上三正先儒以爲晉鼓其說是也鼓人之六鼓有靁鼓靈鼓路鼓鼙鼓晉鼓臯鼓而路鼓以上不特左右端兩面而已鼓鼓不特長六尺六寸而已則長六尺六寸左右端

廣六寸其爲晉鼓可知鼓人以晉鼓鼓金奏鑄師掌金奏之鼓鐘師以鼓奏九夏此所以謂懸鼓也

詩曰應田懸鼓明堂位曰周人懸鼓禮器曰懸鼓在西

然司馬春振旅軍將執晉鼓

晉鼓建謂爲楹而植之蓋晉鼓建之於軍猶路鼓建之於寢非此則不建矣

靁鼓

靈鼓

路鼓

鼓人靁鼓鼓神祀靈鼓鼓社祭路鼓鼓鬼享大司

樂靁鼓靁鼗靈鼓靈鼗路鼓路鼗鄭康成曰靈鼓八面靈鼓六面白鼓四面蓋以韓人爲晉鼓鼙鼓鼙鼓三者非祭祀之鼓而兩面則路鼓宜四面靈鼓宜六面靁鼓宜八面亦或有所傳然也

鄭司農曰靁鼓

六面靈鼓四面蓋靁天聲也

靁鼓鼓神祀而救日月

亦天事也鼓人救日月則詔王鼓先儒以爲鼓用

靁鼓是也靈地德也靈鼓鼓社祭而攻猛獸亦地事也冥氏攻猛獸以靈鼓毆之是也路鼓鼓鬼享而田獵達窮者與遽令亦用之司馬振旅主執路鼓大僕建路鼓于大寢之門外以待達窮者與遽

令是也。晉鼓鼓金奏而田獵亦用之。司馬振旅將軍執晉鼓是也。鼓人言詔王鼓。大僕言軍旅田役贊王鼓。戎右詔贊王鼓。鄭氏曰王通鼓佐擊其餘面。賈公彥曰王擊一面大僕戎右佐擊兩面。惟前一面不擊。由此觀之。則路鼓四面又可知也。蓋詔則不贊。詔贊則不特詔而已。太僕戎右皆言贊王鼓。則與鼓人所謂詔者異矣。

鼙鼓

鼙人鼓長八尺。鼓四尺。四尺鼓面也。中圍加三之一。謂之鼙鼓。鼓人鼙鼓。鼓軍事司馬中春振旅。諸侯執

鼙鼓司馬法曰十人之長執鉦百人之師執鐸。千人之師執鼙萬人之師執大鼓。鐸師凡軍之夜三鼙皆鼓之。鄭氏謂鼓之以鼙鼓司馬法曰昏鼓四通爲大鼙夜半三通爲晨戒。平旦五通爲發明。此所謂三鼙也。掌固亦曰夜三鼙以戒號。蓋鼙鼓之於軍。晝以作衆。夜以警之。書言鼙鼓在西序。詩言鼙鼓維鏞。則此鼙鼓與鼓軍事者異矣。是以周人尚之。沈約宋書樂志曰長丈二尺曰鼙鼓。凡守備及役事鼓之。然鄭氏云鼙鼓長八尺。鼙鼓長丈二尺。鼙鼓役事不謂之鼙。則沈約之言誤矣。

提鼓

大司馬春振旅師帥執提鄭氏曰馬上鼓有曲木
提持鼓立馬髦上者故謂之提賈公彥曰鄭氏據
當時有單騎舉以况周其實周時無騎法也然左
傳稱齊魯相遇以鞍爲几禮記稱前有車騎史記
稱趙靈王胡服騎射蓋古者國容以車軍容或有
騎。

禮書卷第一百二十二終

禮書卷第一百二十三

宋 陳祥道用之 編

明 張溥西銘 閱

盛順順伯 參

鼙鼓

韓人爲臯鼓長尋有四尺鼓四尺倨句磬折則臯
鼓中高而兩端下矣鼓人曰以鼙鼓鼓役事春秋
傳曰魯人之臯蓋臯緩也役事以勿亟爲義故以
臯鼓節之古者上之使下以仁常欲緩而不迫故
名鼓以鼙下之事上以義常欲敏而有功故以鼓

節之而弗止。詩曰：鼙鼓弗勝。

鼙鼓

月令曰：脩韜。兆韜，世紀曰：帝嚳命倕作韜。先儒謂小鼓有柄曰韜。大韜謂韜爾雅曰：大鼙謂之麻。小者謂之料。儀禮大射鼙倚於頌磬西絃。周官小師掌敎鼓鼙柷敔塈簴簫管絃歌。瞽矇掌播鼙柷敔塈簴簫管絃歌。眡瞭掌凡樂事播鼙擊頌磬笙磬。漢大子皆執大鼉。蓋鼙之播也。有瞽矇者，有眡瞭者，而其制鄭氏以爲如鼓而小，持其柄搖之，旁耳還自擊是也。書曰：下管鼙鼓合止柷敔。記曰：賜諸侯樂以柷。

將之賜子男以鼙。將之蓋柷以合樂。鼙則兆鼓而已。故其賜所以不同也。孔穎達曰：柷所以節一曲之始，其事寬，故以將諸侯之命，鼙所以節一唱之終，其事狹，故以將伯子男之命。其豈然哉？儀禮諸侯之燕，大射大夫士之鄉射，鄉飲皆有鼙無柷。諸侯之樂非無柷也。文不備爾。白虎通曰：韜者震之氣也。上應卯星，心通五道，故謂之韜。其說無據。

鼙

應鼓號

鼙號

周禮大師大祭祀下管播樂器令奏鼓陳小師大祭祀下管擊應鼓。小祭祀小樂事鼓陳儀禮大射

建鼓在阼階西南鬻鼓應鼙在其東南鼓西階之西頌磬東面其南鍾其南鑄皆南陳一建鼓在其南東鼓朔鼙在其北一建鼓在西階之東南面詩曰應田縣鼓先儒以詩之田爲暕暕小鼓應鼙也爾雅曰大鼓謂之鼗小者謂之應然則大祭祀皆鼓暕擊應大射有朔鼙應鼙詩又以應配暕則朔鼙乃暕鼓也以其引鼓焉故曰暕以其始鼓焉故曰朔是以儀禮有朔無暕周禮有暕無朔猶儀禮之玄酒周禮之明水其實一也鄭氏以應與暕及朔爲三鼓恐不然也大射建鼓南鼓應鼓亦南鼓而居其東建鼓東鼓朔鼙亦東鼓而居其北

則鼙與鼓北建而鼙常在其左矣朔作而應應之朔在西應在東則凡樂之奏常先西矣

拊

相

拊之爲物以韋爲之狀若鼓然書傳所以謂韋爲鼓謂之搏拊是也實之以糠白虎通所謂拊韋著以糠是也其設則堂上書所謂搏拊是也其用則先歌周禮所謂登歌合奏擊拊是也荀卿曰鼙拊控楬似萬物文曰縣一鍾而尚拊大戴禮曰縣一磬而尚拊子夏曰絃匏笙簧會守拊鼓始奏以文復亂以武治亂以相訊疾以雅言尚拊則拊在一

鍾一磬之東也。言會守拊鼓，則衆樂待其動而後作也。旣曰會守拊鼓，又曰治亂以相則，相非拊也。鄭氏以相爲拊，誤矣。拊，莫適先後也。爾雅和樂謂之拊搏，蓋以其或搏或拊，莫適先後也。拊明堂位謂之節，或說節卽相也。晉傳休奕節賦曰：「口非節不詠，手非節不拊。」江左清樂有節鼓，唐雅樂升歌用之，其詳不可考也。

禮書卷第一百二十四 終

禮書卷第一百二十四

宋 陳祥道用之 編

明 張溥西銘 閱

盛順順伯 稱

雅

周禮笙師掌教春牘應雅以教祓樂。鄭司農云：雅狀如漆筩而弇口，大二圍，長五尺六寸，以羊韋輓之。有椎樂記注祓樂，祓夏之樂牘應雅教，其春者謂以築地笙，師教之，則三器在庭可知矣。賓醉而出奏

祔夏以此三器築地爲之行節樂記曰訊疾以雅孔穎達曰舞者訊疾奏此雅器以應之蓋樂者正也賓出而春雅欲其醉而不失正也工舞而奏雅欲其迅疾而不失正也賓出之奏雅有祔樂則工舞之奏雅各以其舞之曲歟

壇

何人斯蘇公刺暴公之詩也以伯氏吹壇仲氏吹箎託親愛之意而已世本遂謂暴辛公作墳蘇成公作箎譙周譏之宜矣然周謂暴公善墳蘇公善箎不可考也周禮小師掌教墳瞽矇掌播墳爾雅

曰大墳謂之踞廣雅云墳象秤錘以土爲之六孔

鄭司農釋周禮郭璞釋爾雅其說皆然郭璞又謂

銳上平底大者如鵝子小者如雞子蓋墳之大小

不同而同於六孔

白虎通曰墳坎音也管良音也墳在十一月陽氣如黃泉之下薰蒸而萌

唐樂志曰墳曛也立秋之音萬物將曛黃也舊圖大墳謂之雅墳小者謂之頌墳然墳土也主位在坤而時立秋則唐志之說

是而白虎通之說非矣

缶

爾雅曰盍謂之缶易曰不鼓缶而歌則大耋之嗟凶詩曰坎其擊缶宛丘之下國語曰瓦絲尚宮澑池之會秦王謂趙王擊缶李斯曰擊甕扣缶真秦

聲也蓋缶古之樂器秦尚之劉安曰窮鄉之社相
匏拊瓶相和而歌自以爲樂亦擊缶之類也呂不
韋曰堯使鄧以麋輶冥缶而鼓之此不可考也

琴

琴操曰伏犧作琴世本曰神農作琴樂記曰舜作
作五絃之琴以歌南風或曰帝俊生晏龍龍作明
琴瑟郭璞曰俊卽舜也

堂位曰大琴大瑟中琴中瑟四代之樂器也爾雅
曰大瑟謂之灑大琴謂之離白虎通曰琴者禁也
禁邪以正人心也樂書曰琴長八尺一寸正度也
絃大者爲君而居中央商居右旁其餘大小相次

不失其序則君臣之位正矣廣雅曰琴長三尺六
寸六分象三百六十有六日五絃象五行大絃爲
君寬和而溫小絃爲臣清廉不亂騁忌子謂齊威
王曰大絃濁以春溫者君也小絃廉折以清者臣
也文王武王加二絃以合君臣之恩琴操曰廣六
寸象六合也又上曰池言其平下曰濱言其服前
廣後狹象尊卑上圜下方象天地然琴之大小雖
不同不過五絃七絃而已先儒釋爾雅謂大琴二
十七絃或作於伏犧或作於神農不可考也其長
或八尺一寸或三尺六寸六分益大琴中琴之辨

歟春秋傳穆姜擇美櫈自爲頌琴杜預謂頌琴猶言雅琴。

瑟

世本曰庖犧作瑟五十絃黃帝使素女鼓之哀不自勝乃破爲二十五絃具二均聲或曰朱襄氏之臣士達造五絃琴爾雅曰大瑟謂之灑鄉飲酒禮二人皆左何瑟後首桮越燕禮曰小臣左何瑟面鼓執越樂記曰清廟之瑟朱絃而疏越尚書大傳曰大琴練絃達越大瑟朱絃達越蓋越底孔也疏達通之也朱絃練而朱之也蓋絲不練則勁而聲清練則熟而聲

濁孔小則聲急大則聲遲故疏越以遲其聲然後不至於太急練絲以濁其聲然後不失之太清舊圖雅瑟長八尺一寸廣一尺八寸二十三絃其常用者十九絃其餘四絃謂之番番廳也頌瑟長七尺二寸廣尺八二十五絃盡用之此蓋有所傳然也周禮小師掌教絃歌瞽矟掌教琴瑟大司樂雲和之琴瑟冬日至圜丘奏之空桑之琴瑟夏日至方丘奏之龍門之琴瑟宗廟奏之則鼓瑟未嘗無琴也樂記獨言清廟之瑟鄉飲酒燕禮亦獨言瑟者舉其大者故也後世高漸離之擊筑似箏項蒙恬

之造筆漢之琵琶箜篌風俗通曰漢武帝樂人侯調作坎侯釋名曰師延所作晉之阮咸此皆放琴瑟而爲之歟易通卦驗冬至日使八能之士鼓黃鍾之瑟瑟用槐長八尺一寸夏至日瑟用桑長五尺五寸槐取其氣上桑取其垂下

禮書卷第一百二十四 終

禮書卷第一百二十五

宋 陳祥道用之 編

明 張溥西銘 閱

盛順順伯 參

柷

敔

止

箏

樂記曰聖人作爲控揭書曰憂擊鳴球合止柷敔詩曰幾鼓柷圉荀卿曰柷揭似萬物明堂

位曰揩擊周禮小師掌教播鼗柷敔蓋柷敔以控
揭爲體控揭以戛揩擊爲用故控揭戛揩擊先儒
皆謂之柷敔也爾雅曰所以鼓柷謂之止所以鼓
敔謂之鼗先儒謂柷如漆桶方二尺四寸深二尺
八寸中有椎柄連底撞之令左右擊止者其椎名
名也敔如伏虎背上有二十七鉏鋸刻以木長尺
櫟之鼗者其戛名也此以漢太子樂言之本朝依唐制以竹爲鼗長二尺四寸破一端爲戛

二笙樂將止先擊其首次三戛之蓋鼓柷謂之止欲戒止於其早也鼓敔謂之鼗欲修潔於其後也

柷方二尺四寸陰也敔二十七齧龉陽也樂作陽

也以陰數成之樂止陰也以陽數成之固天地自
然之理也聲之所出以虛爲本桐虛而不實故爲
琴瑟糠虛而不實故爲搏拊虛以虛然後可設控
以空然後可擊及其止則歸於實焉故敔爲伏虎
之形則實而已

牘

笙師掌教春牘應雅以教祓樂鄭司農曰牘以竹
大五六寸長七尺短者一二尺虛中筩無底其端
有兩空肆畫以兩手築地應長六尺五寸其中有

椎

竽

禮記曰女媧之笙簧世本曰隨作笙儀禮曰二笙一和而成聲周禮笙師掌教吹竽笙爾雅曰大笙謂之巢小者謂之和先儒謂笙列管匏中施簧管端大者十九簧小者十三簧竽三十六簧笙長四尺竽長四尺二寸簧金鑠爲之蓋衆管在匏有巢之象故大笙曰巢大者倡小者和小笙曰和後世雅樂和皆二十七簧外設二管不定置謂之義管

每變均易調則更用焉由是定置二管於匏中爲十九簧書曰笙鏞以間笙師祭祀饗食共笙鍾之樂鄭氏曰與鍾相應之笙國語曰金石以動之絲竹以行之則笙鏞維間作其動之於始則金石而已韓非曰竽者五聲之長故竽先則鍾瑟皆隨竽唱則諸樂皆和蓋後世之樂然也

簫

大者一十四管
小者十六管

小師掌教簫管絃歌笙師掌教吹竽笙埙籥簫篪書曰笙鏞以間簫韶九成詩簫管備舉禮從以簫管書於簫言樂成詩於簫言備舉禮凡言簫多在

笙竽之後則簫之奏蓋後於笙矣爾雅曰大簫謂之言小者謂之箎廣雅曰籟謂之簫莊周三人籟比竹是已荀卿曰鳳凰于飛其翼若干其聲若簫蓋簫比竹爲之其狀鳳翼其聲鳳聲言與籟皆其異名也郭璞曰言二十三管長四尺箎十六管長尺二十風俗通曰簫十管長二尺易說長尺四十數七夏時火用事二七一十四管之長由此也舊圖雅簫長一尺四寸二十四強頌簫長尺三寸十強博雅云簫大者二十四管無底小者十六管有底蔡邕曰簫編竹有底長則濁短則清以審窒其底而增損之則和蓋皆述其傳然也漢元帝云吹洞簫謂之洞簫蓋無底耳

禮書卷第一百二十六終

禮書卷第一百二十六

宋 陳祥道用之 編
明 張溥西銘 閱
盛順順伯 參

筦

周禮笙師掌教歛筦爾雅大筦謂之沂孫炎曰沂悲也釋名曰筦啼也若嬰兒啼也郭璞曰筦以竹爲之長尺四寸圍三寸一孔上出寸三分名翹橫吹之小者尺二寸廣雅曰八孔鄭司農曰七孔不可考也後世有胡筦沈約曰胡筦出於胡吹非雅器也

遂

周禮笙師掌教遂杜子春曰竹遂五孔馬融笛賦稱此器出於羌笛舊四孔京房加一孔以備五音又風俗通曰漢武帝時丘仲作笛長尺四寸然漢以前固有笛矣但尺四寸者丘仲所作耳後世有長笛世傳蔡邕避難江南宿於柯庭之館仰盼竹經會稽高遷亭見屋椽竹東間第十六奇爲笛取用果有聲。有短笛今樂府短笛尺有咫。有橫笛小箎也梁橫吹曲日下馬吹橫笛。有義觜笛如橫笛而加觜西涼樂也。有七孔者今大樂雅笛七孔。有八空者今有橫笛八空皆適一時之所造然也笛一作遂箎一作篪。

籥

明堂位曰上鼓葦籥伊耆氏之樂也周禮笙師掌教籥籥師掌教國子舞羽吹籥籥章掌擊土鼓吹幽籥蓋籥三孔主中聲而上下之律呂於是乎生命之曰籥以籥籥之法在是故也羽舞皆執籥以聲音之本在是故也。詩曰左手執籥春秋書仲遂卒于垂壬午猶繹方入去籥公羊曰去其有聲者置其無聲者則吹籥而舞可知爾雅曰大籥謂之龠其中謂之仲其小謂之籥廣雅曰籥七孔毛萇曰籥六孔鄭康成曰籥如笛三孔郭璞曰籥三孔而短當從郭鄭之說爲之正也。

管

書曰下管鼗鼓周禮小師掌教籥管瞽矟掌播簫管笙師掌吹竽笙埙簧籥管大司樂圜丘孤竹管方丘孫竹管宗廟陰竹管燕禮大射皆下管新宮禮記曰下管象詩曰磬管將將籥管備舉爾雅曰大管謂之籥其中謂之箔小者謂之筭鄭司農曰管如箔六孔說文亦曰管六孔十二月之音鄭康成曰管如笛而小併兩而吹之今大子樂官有焉廣雅云管象籥長尺圍寸八孔無底夫併兩而吹之固象籥矣管或作琯則古者之管有以玉爲之

也

傳稱西王母獻玉琯

籥

詩曰吹笙鼓簧又曰並坐鼓簧又曰左執簧又曰巧言如簧記曰女媧之笙簧觀此宜若簧非笙也先儒皆以爲笙中之簧其說拘矣漢武內傳鼓振靈之簧神仙傳王遙有五舌竹簧然經無明說豈亦古之遺制歟

禮書卷第一百二十六

終

